



DEN NORSKE KYRKJA

Hesby sokneråd

Møteinnkalling

Hesby sokneråd

Møtedato: 19.11.2024 kl. 16:15
Møtestad: Kyrjekontoret, Hagatunet 4
Arkivsak: 23/04542

Besøk frå Rune Skagestad og Tor Magne Nesvik, dialogmøte ca 60 min.

Saksliste

Møteinnkalling

Saksliste Hesby sokneråd 19.11.2024

3

Godkjenning av innkalling og saksliste

38/24 Godkjenning av innkalling og sakliste

5

Godkjenning av protokoll

39/24 Godkjenning av referat frå førre møte.

6

Saker til behandling

40/24 Søknad om permisjon frå vervet som vararepresentant til soknerådet.

16

41/24 Felles soknerådsmøte til våren

17

42/24 Fredagstaco på Emmaus

18

43/24 Førespurnad om støtte til ein transportabel lysglobe

19

44/24 Tomatfestivalkonsert i 2025

20

Åpen halvtime

Orienteringssaker

45/24 Erfaringar frå Bethel

21

46/24 Vi syng jula inn 2024

22

47/24 Planar for 2025 og gjenopning av kyrkja

23

48/24 Orienteringssaker

24

Eventuelt



DEN NORSKE KYRKJA

Hesby sokneråd

Sakliste

Hesby sokneråd

Møtedato: 19.11.2024 kl. 16:15

Møtestad: Kyrkjekontoret, Hagatunet 4

Arkivsak: 23/04542

Meld eventuelt forfall snarast på tlf eller e-post hs973@kyrkja.no.
Vararepresentantar møter etter nærare melding frå møtesekretær.

SAKLISTE

Godkjenning av innkalling og sakliste

38/24 23/04591-13 Godkjenning av innkalling og sakliste

Godkjenning av protokoll

39/24 23/04592-11 Godkjenning av referat frå førre møte.

Saker til behandling

Åpen halvtime

40/24	23/04610-7	Søknad om permisjon frå vervet som vararepresentant til soknerådet.
41/24	23/04599-7	Felles soknerådsmøte til våren
42/24	21/00123-20	Fredagstaco på Emmaus
43/24	23/04594-15	Førespurnad om støtte til ein transportabel lysglobe
44/24	23/04602-7	Tomatfestivalkonsert i 2025

Orienteringssaker

45/24	23/04600-13	Erfaringar frå Bethel
46/24	23/04602-8	Vi syng jula inn 2024
47/24	23/04600-14	Planar for 2025 og gjenopning av kyrkja
48/24	23/04595-13	Orienteringssaker

Eventuelt

Finnøy , 12.11.2024

Tor Øyvind Skeiseid
leiar

Heidi Bø Sangedal

møtesekretær



DEN NORSKE KYRKJA

Hesby sokneråd

Sakshandsamar	Arkivkode	Arkivsak	Ugradert
Heidi Bø Sangedal	411	23/04591-13	

Saksnummer	Råd/utval	Møtedato
38/24	Hesby sokneråd	19.11.2024

Godkjenning av innkalling og sakliste

Saksorientering

Innkalling og sakliste er sendt ut til alle medlem og varamedlem om lag ei veke før møtet. Saker kan også meldast inn som ymse.

Forslag til vedtak

Innkalling og sakliste vert godkjent slik den ligg føre.

**DEN NORSKE KYRKJA**

Hesby sokneråd

Sakshandsamar	Arkivkode	Arkivsak	Ugradert
Heidi Bø Sangedal	411	23/04592-11	

Saksnummer	Råd/utval	Møtedato
39/24	Hesby sokneråd	19.11.2024

Godkjenning av referat frå førre møte.

Vedlegg:

~ 23_04542-20 Protokoll Hesby sokneråd 10.09.2024 348156_3_0

Saksorientering

Referat frå førre møte vart i etterkant sendt ut til dei frammøtte. Evt innspel er tekne med i det endelege referatet som ligg vedlagt.

Forslag til vedtak

Referatet frå førre møte vert endeleg godkjent.



DEN NORSKE KYRKJA

Hesby sokneråd

Møteprotokoll

Hesby sokneråd

Møtedato: 10.09.2024 kl. 16:15
 Møtestad: Kyrkjekontoret, Hagatunet 4
 Arkivsak: 23/04542

Til stades: Tor Øyvind Skeiseid, Heidi Kristin Urtegård, Solfrid Sevheim
 Haga, Odd Birger Bleie, Terje Engstrøm

Frammøtte Ina Oline Halleland, Olav Reilstad
 varamedlemer:

Forfall: Dorrit
 Vignes, Brit idsøe

Protokollfører: Heidi Bø Sangedal

SAKSLISTE		Side
Godkjenning av innkalling og saksliste		
29/24	Godkjenning av innkalling og saksliste	2
Godkjenning av protokoll		
30/24	Godkjenning av protokoll frå førre møte.	2
Saker til behandling		
31/24	Rekneskap første halvår 2024 og budsjett 2024	3
32/24	Disponering av resultat for 2023	4
33/24	Tildeling av takkoffer i gudstenestene for våren 2025	4
34/24	Fastsetting av periode for misjonsprosjektet.	5
35/24	Gjevarteneste for trusopplæringsarbeidet i sokna våre.	6
36/24	Nedstenging av Hesby kyrkje og overflytting til Bethel	7
Orienteringssaker		
37/24	Orienteringssaker	7
Eventuelt		

Finnøy 12.11.2024

Tor Øyvind Skeiseid
Leiar

Heidi Bø Sangedal
Sekretær

Godkjenning av innkalling og saksliste

29/24 Godkjenning av innkalling og saksliste

Behandlet av	Møtedato	Saknr
1 Hesby sokneråd	10.09.2024	29/24

Saksorientering

Innkalling og sakliste er sendt ut til medlem og varamedlem om lag ei veke før møtedato.

Forslag til vedtak

Innkalling og sakliste vert godkjent slik den ligg føre.

Vedtak

Innkalling og sakliste er godkjent slik den ligg føre.

[Lagre vedtak]

Godkjenning av protokoll

30/24 Godkjenning av protokoll frå førre møte.

Behandlet av	Møtedato	Saknr
1 Hesby sokneråd	10.09.2024	30/24

Saksorientering

Referat frå førre møte har vore til gjennomsyn hjå dei som var med i førre møte. Evt innspel er teke med og endeleg referat ligg ved.

Forslag til vedtak

Referat frå førre møte vert endeleg godkjent.

Vedtak

Referat frå førre møte er endeleg godkjent.

[Lagre vedtak]

Saker til behandling**31/24 Rekneskap første halvår 2024 og budsjett 2024**

Behandlet av	Møtedato	Saknr
1 Hesby sokneråd	10.09.2024	31/24

Saksorientering

Vedlagt er rekneskap for første halvår 2024 og budsjett for 2024. Kan nemne at Open hall og Alphakurset på Finnøy ligg under soknet sitt rekneskap med eigne avdelingsnummer. Det vil komme tilskot frå Fellesrådet, dette kjem i slutten av året. Det vil og komme innbetalingar frå Sjernarøy og Talgje sokn til konfirmantweekenden og felles abonnenement på betalingsordning via Nets/Solidus.

Forslag til vedtak

Rekneskapet vert tatt til orientering og budsjettet er godkjent slik det ligg føre.

Vedtak

Rekneskapet er tatt til orientering og budsjettet er godkjent slik det ligg føre.

[Lagre vedtak]

32/24 Disponering av resultat for 2023

Behandlet av	Møtedato	Saknr
1 Hesby sokneråd	10.09.2024	32/24

Saksorientering

Viser til tabell over som viser disponering av resultatet for 2023. Det er her forslag om korleis overskotet frå 2023 kan disponerast.

Forslag til vedtak

Disponering av resultat for 2023 blir vedteke slik forslaget viser viss ikkje anna kjem fram i møtet.

Vedtak

Disponering av resultat for 2023 er vedteke slik det ligg føre. Tillegg i saka er at ein ønsker eiga sak om piano i neste møte. Husk å budsjettere med prøvespeling og transport til nytt piano.

[Lagre vedtak]

33/24 Tildeling av takkoffer i gudstenestene for våren 2025

Behandlet av	Møtedato	Saknr
1 Hesby sokneråd	10.09.2024	33/24

Saksorientering

Det er kome inn ein søknad pr mail om takkoffer i gudstenestene til Sjømannskirken. I tillegg har alle organisasjonar sendt inn ein felles søknad ang. offer via ein minnepenn. Vedlagte gudstenesteliste er laga etter same mal som det er gjort før. Årsfordelinga er om lag slik 5 ofringar til eigen kyrkjelyd, 5 ofringar til misjonsprosjektet, Det norske misjonsselskap fast i januar, Bibelselskapet fast i febr. Elles er dei lokale prosjektene jevnt fordelt med ei ofring kvar i året. Finnøy kr ungdomslag er foreslått 1. påskedag, samt konfirmasjonsgudstenestene. Open hall er foreslått til samtalegudstenesten. Så er nokre organisasjonar tildelt ledige gudstenester. Det er opp til soknerådet å vedta ei endeleg offerliste.

Forslag til vedtak

Tildeling av offer vert godkjent slik det ligg føre evt med endringar som kjem fram i møtet.

Vedtak

Tildeling av offer er godkjent slik det ligg føre.

[Lagre vedtak]

34/24 Fastsetting av periode for misjonsprosjektet.

Behandlet av	Møtedato	Saknr
1 Hesby sokneråd	10.09.2024	34/24

Saksorientering

Misjonsprosjektet Iraqw Language And Culture Trust har vore i Hesby sokn sidan før 2014, det betyr meir enn 10 år. Til no i år har me sendt kr 19821,- Det er naturleg at me set ein periode for kor lenge eit misjonsprosjekt skal vare. Eit forslag er å halde fram med dette prosjektet ut 2025 og at dei og andre kan søkje om å få vere det «nye» misjonsprosjektet til Hesby sokn i løpet av 2025

Forslag til vedtak

Soknerådet går inn for å oppretthalde misjonsprosjektet som det er no ut 2025. I løpet av 2025 kan dei noverande samt andre søkje om å få vere soknet sitt misjonsprosjektet.

Vedtak

Soknerådet går inn for å oppretthalde misjonsprosjektet som det er no ut 2025. I januarmøtet i 2025 lagar me utlysningstekst med lokal link som eksisterande og andre prosjekt kam søkje på. Planen er å fatta eit endeleg vedtak om misjonsprosjekt i maimøtet i 2025.

[Lagre vedtak]

35/24 Gjevarteneste for trusopplæringsarbeidet i sokna våre.

Behandlet av	Møtedato	Saknr
1 Hesby sokneråd	10.09.2024	35/24

Saksorientering

Det er etablert ein gjevarteneste via solidus. Me har laga brosjyre som deles ut i kyrkjelydane våre. Det settes inn ein offensiv no i september i samband med hausttakkefestane. Elles er det delt i sosiale medier og på heimesida. Det er pr no tre faste gjevarar, så det er ein jobb å gjere for å nå ut til folket. Det er eit større mangfald i målgruppa 0 – 18 år no enn tidlegare, færre er medlem i kyrkja. Dette betyr og at det statlege tilskotet til trusopplæring ikkje automatisk vil bli slik det er no i åra framover.

Forslag til vedtak

Informasjonssak og vedtak om evt oppfølging vidare.

Vedtak

Informasjonssak.

[Lagre vedtak]

36/24 Nedstenging av Hesby kyrkje og overflytting til Bethel

Behandlet av	Møtedato	Saknr
1 Hesby sokneråd	10.09.2024	36/24

Saksorientering

Praktisk så er det starta overflytting av det me treng for å halde gudsteneste og kyrkjelege handlingar i Bethel. Prosjektleder og byggsjef planlegg kva me skal gjere med det som står igjen. Det vil seie nedpakking og evt lagerflytting. Alterringen skal få nytt skinn, desse kan monterast ned og lagast nye der det blir levert. Reknar med at det resterande arbeidet før dei kan starte med restaureringa inne blir gjort dei neste to vekene. På Bethel framover må ein sjå litt koss det praktisk skal sjå ut under gudstenestene...bord/benker/kyrkjekaffi koss fungerer dette? Kva med ramma for gudstenestene...bruk av forsongerar, nattverd med intinksjon, med meir. Kva med PR for gudstenestene i nabolaget på Judaberg, sjukeheimen, Fåtunet med fleire.

Forslag til vedtak

Samtalesak om vegen vidare og bruken av Bethel som gudstenestestad.

Vedtak

Samtalesak. Held på å sjekke om det er lokal lagerplass til oppbevaring av benkene med meir. Ein må sjekke om det kan lagast ein rampe for adkomst med rullestol på Bethel, samt utbetre adkomst ved Hesby kyrkje før gjenopninga. Husk skilting av handikap – parkering ved kyrkja. Det må lagast ein eigna plass for forsongerane på Bethel.

[Lagre vedtak]

Orienteringssaker

37/24 Orienteringssaker

Behandlet av	Møtedato	Saknr
1 Hesby sokneråd	10.09.2024	37/24

Saksorientering

Sakene vert lagt fram anten skriftleg eller munnleg i møtet.

Forslag til vedtak

Sakene er tekne til orientering.

Møtehandsaming

Referat frå Stavanger krk fellesråd – Heidi U orienterte elles kan referatet lesast på nettsida kirken.stavanger.no

Konfirmantjubileum – 29. sept. på Bethel for Hesby og Talgje sokn sine 50 årskonfirmantar. Alle som vart konfirmerte dette året blir leste opp. Komiteen får ein ønskesong.

Stoda for restaureringsarbeidet – held på med utflytting. Innvendig jobb startar opp ca 1. okt. Me har fått inn anbud på steinarbeid trappa og muren rundt.

Sommarevaluering – open kyrkje med ung sommarjobb: Kjekt med lokale ungdommar, om lag 70 personar innom, godt besøk til gudstenestene. Tomatfestivalkonserten gjekk med eit overskot på om lag 8 – 10 000,- Svært positiv oppleving med lekgudsteneste – kan gjerast igjen.

Status ymse stillingar – Sissel Bleie slutta som kyrkjetenar og reinhaldar 15. sept. 2024 Kyrkjetenarstillinga blir utlyst i løpet av neste år slik at denne er på plass 1. okt. – 2025

Reinhaldar 11 % for Hesby og Talgje er tilsett. Anna Fink har denne jobben. Vaktmeister i 25 % Bjarte Halsne sluttar 1. okt. – oppgåvene blir tatt i vare av vaktmeistersteam i byen.

Møte med kommunedelsutvalet blir 29. okt. kl 1630 – 1700

Jubileumshelg for 900 årsjubileumet blir markert i Tungenes prosti 7.-9. nov 2025 Komite jobbar med program.

Torsdag 17. okt. blir det møte i soknerådet heime hjå Tor Øyvind – dette er eit møte uten formelle sakspapir.

Vedtak

Sakene er tekne til orientering.

[Lagre vedtak]

Eventuelt

Dette punktet på sakslisten er unntatt offentlighet.



DEN NORSKE KYRKJA

Hesby sokneråd

Sakshandsamar	Arkivkode	Arkivsak	Ugradert
Heidi Bø Sangedal	411	23/04599-7	

Saksnummer	Råd/utval	Møtedato
41/24	Hesby sokneråd	19.11.2024

Felles soknerådsmøte til våren

Saksorientering

Det er kome eit forslag om å ha marsmøtet til våren felles i lag med Talgje og Sjernarøy sokn. Tanken er at ein minst ein gong i året har eit felles møte og at dette møtet blir halde ulike stader i sokna våre. Forslaget er at møtet i mars vert på Sjernarøy onsdag 26. mars evt tirsdag 25. mars. Me tenker samling i Sjernarøy kyrkje, samt mat ved Bygdakokken på Sjernarøytunet. Til dette møtet kan me evt invitere både kyrkjelydspedagog og diakonimedarbeidar med tanke på felles møtepunkt. I tillegg vil det kunne vere naturleg å invitere med dei som vil av heile storstaben til slike møter.

Forslag til vedtak

Soknerådet vedtek at me har eit felles soknerådsmøte onsdag 26. mars, evt. tirsdag 25. mars.



DEN NORSKE KYRKJA

Hesby sokneråd

Sakshandsamar	Arkivkode	Arkivsak	Ugradert
Heidi Bø Sangedal	610	21/00123-20	

Saksnummer	Råd/utval	Møtedato
42/24	Hesby sokneråd	19.11.2024

Fredagstaco på Emmaus

Saksorientering

Frivillige drog i vår i gong eit nytt positivt tiltak for familiar og andre som ein gong i månaden åt taco i lag på Emmaus. Hesby sokn stod som arrangør. Dagleg leiar har sendt mail med følgande tekst til initiativtakerane:

«Det var bra tiltak med Tacofredag, men ikkje heilt berande økonomisk.....Det kosta kr 4000,- pr gong på Emmaus så har fått ein faktura på kr 12 000,-

Me fekk jo støtte på kr 5000,- så er det komme inn kr 5650,- i salg.

Så har me kr 5990,- i utgifter til innkjøp av ingredienser.

Med leige på kr 12000,- blir det då at me dekker inn underskotet på kr 7340,- med pengar frå kyrkjelydskassen.

Skulle nok ha meldt inn tiltaket i eit eller anna som genererte støtte viss det skal halde fram....og helst auke prisane litt slik at det i alle fall går i null....

Må huske å avtale leigepreis før me set i gong med nytt tiltak...helst ha det på Bethel der me betaler fast pris for leige nå når kyrkja er stengt.

Altså godt tiltak, men enklast å gjennomføre viss me har eigne lokaler.....eller at det er eit samarbeid med aktørar frå andre egna lag.»

Pr i dag har me ikkje betalt fakturaen til Emmaus, ville informere soknerådet først.

Forslag til vedtak

Soknerådet stiller seg bak innspelet frå dagleg leiar og oppfordrar evt framtidige tiltak om å melde tiltaket inn i ein organisasjon som genererer støtte.



DEN NORSKE KYRKJA

Hesby sokneråd

Sakshandsamar	Arkivkode	Arkivsak	Ugradert
Heidi Bø Sangedal	120	23/04594-15	

Saksnummer	Råd/utval	Møtedato
43/24	Hesby sokneråd	19.11.2024

Førespurnad om støtte til ein transportabel lysglobe

Saksorientering

I alle kyrkjene våre er det lysglobar og på bedehuset på Halsnøy er det eit lysfat. Desse blir mykje brukt ved gudstenester, kveldsbøn eller andre gonger. I tillegg til samlingar i kyrkjene våre har me og samlingar andre stader eks. føremiddagstreff, open hall, besøk på Fåtunet og sjukeheimen. Nokre gonger er det fint å kunne bruke ein lysglobe som synleggjering for bøn, evt og minne. Me har henta inn eit pristilbod på ein transportabel lysglobe. Dette er ein lysglobe som ikkje er for tung, kan stå stødig på eit bord, kan dreiest 360 grader rundt og ha tynne globelys, 16 stk. Denne kostar kr 14 000,- inkludert frakt. Spørsmålet er om denne kan kjøpast inn felles av alle sokna. Det blir då om lag kr 4670,- på kvart sokn. Dette blir då ei investering for framtida. Dette året har me og kjøpt nye konfirmantkappar som også er ei investering. Så viss ein går for dette som er utanom vanleg driftsbudsjett, må ein bruke av oppstarte midler. Ein tilrår at det blir kjøpt inn ein transportabel globe felles for bruk i sokna.

Forslag til vedtak

Staben får høve til å kjøpe inn ein transportabel lysglobe som er egna for bruk på øyane våre.



DEN NORSKE KYRKJA

Hesby sokneråd

Sakshandsamar	Arkivkode	Arkivsak	Ugradert
Heidi Bø Sangedal	632	23/04602-7	

Saksnummer	Råd/utval	Møtedato
44/24	Hesby sokneråd	19.11.2024

Tomatfestivalkonsert i 2025

Saksorientering

Det er tomatfestivalhelg 15.-17. aug. i 2025 No når kyrkja er stengt skal me likevel planlegge med ein konsert? Evt skal me ha denne i Bethel, evt på Utsyn? Har fått inn eit forslag om Garness Duo ved Ingelin Reigstad Norheim og Hildegunn Garnes Reigstad. Denne type konsert bør vere i eit lokale som tek mykje folk evt heller ha ein slik konsert når kyrkja opnar igjen? Evt er det anna enn konsert me kan bidra med i Tomatfestivalhelga? Kva meiner soknerådet?

Forslag til vedtak

Soknerådet kjem i møtet fram til ein plan for 2025.



DEN NORSKE KYRKJA

Hesby sokneråd

Sakshandsamar	Arkivkode	Arkivsak	Ugradert
Heidi Bø Sangedal	310	23/04600-13	

Saksnummer	Råd/utval	Møtedato
45/24	Hesby sokneråd	19.11.2024

Erfaringar frå Bethel

Saksorientering

Sidan 1. sept. har me halde gudstenester og gravferder frå Bethel bedehus. Mange folk kjem, det er ikkje plass til så mange som me har vore vane med i kyrkja. Stolar og benker er plassert så godt det let seg gjere for å kunne fylle opp. Framme på podiet er det prøvd å legge praktisk og estetisk til rette for at det skal kunne fungere til gudstenester og kyrkjelege handlingar. Me har ikkje tilsett ny kyrkjetenar etter at Sissel slutta. Dette betyr at no blir oppgåvene tatt hand om av klokkar og frivillige. Me vil i neste utsending med lister til frivillige oppmode om at kyrkjevertane tek del i rydding og tilrettelegging før og etterpå. Det er kyrkjeaffi etter stortsett kvar gudsteneste, førebuing er lettare på Bethel enn det var i kyrkja. Det skal vere kjøpt inn kaffi, saft og anna det er behov for, dette gjere me på kontoret. Dei som har kyrkjeaffien er med og ryddar vekk etterpå. Målet er at gudstenesten inkludert kyrkjeaffien er ferdig til kl 1300

Ved gravferder blir det mange bilar i Judaberg sentrum, me har gått ut med informasjon i Øyposten kor me oppmodar om samkøyring, samt at dei bruker tilviste parkeringsplassar. Me har fått ein avtale med Finnøy næringshage om parkering på sjøsida. Me bør få 2 personar som parkeringsvakt ved gravferder. Dette kan enten vere kontorstab eller frivillige. Me bør og ha to tilsette inne på Bethel utanom prest og organist.

Forslag til vedtak

Soknerådet er informert om erfaringane med Bethel og kan godt ha eit syn for å hjelpe til ved behov når dei er på gudstenester og evt andre arrangement.

**DEN NORSKE KYRKJA**

Hesby sokneråd

Sakshandsamar	Arkivkode	Arkivsak	Ugradert
Heidi Bø Sangedal	632	23/04602-8	

Saksnummer	Råd/utval	Møtedato
46/24	Hesby sokneråd	19.11.2024

Vi syng jula inn 2024

Saksorientering

Det blir Vi syng jula inn på Utsyn laurdag 14. des. kl 1730 og 2000
Eigen komite har jobba fram eit program og laga plakat og arrangement i sosiale medier.
Det vil bli teke opp ei kollekt til trusopplæringsarbeidet (som også skal gå til dekking av utgifter knytta til arrangementet.) Det vil komme ei økonomisk støtte frå Fellesrådet (Kirkekulturell myldring) på kr 5000,- Geir Landa er innleigd for køyring av lyd. Det vil bli servering av pepparkaker og diverse.

Forslag til vedtak

Saka blir teken til orientering.



DEN NORSKE KYRKJA

Hesby sokneråd

Sakshandsamar	Arkivkode	Arkivsak	Ugradert
Heidi Bø Sangedal	310	23/04600-14	

Saksnummer	Råd/utval	Møtedato
47/24	Hesby sokneråd	19.11.2024

Planar for 2025 og gjenopning av kyrkja

Saksorientering

Komiteen v/ Tor Øyvind vil i møtet legge fram planane som er laga.

Forslag til vedtak

Planane vert tekne til orientering.



DEN NORSKE KYRKJA

Hesby sokneråd

Sakshandsamar	Arkivkode	Arkivsak	Ugradert
Heidi Bø Sangedal	411	23/04595-13	

Saksnummer	Råd/utval	Møtedato
48/24	Hesby sokneråd	19.11.2024

Orienteringssaker

Referat frå møte i trusopplæringsutvalet

Referat frå møte i diakoniutvalet.

900 årsfeiring – sjå skriv

Info om høyringar frå Kirkerådet.

Hesby kyrkje og restaureringsarbeidet

Deling frå møtet med kommunedelsutvalget.

Moment og søknad til k- stud – utvida bibelundervisning for unge vaksne som Terje i lag med frivillige har hatt på Utsyn misjonssenter. Hesby sokn søker k-stud om støtte til dette tiltaket.

Orientering kommunebudsjettforslaget

Vedlegg:

Møte i Trusopplæringsutvalet 17. september 2024

Referat frå møte i diakoniutval sept. 2024

Stavanger by, bispedømme og domkirken 900 år i 2025 menigheter

Høringer fra Kirkerådet høsten 2024

Saksorientering

Sakene er enten lagt ved til gjennomlesing eller blir lagt fram munnleg ved dagleg leiar i møtet.

Forslag til vedtak

Sakene vert tekne til orientering.

Referat frå møte i



DEN NORSKE KYRKJA
Kyrkja i Finnøy

diakoniutvalget

Dato: 11. sept. 2024
Tid: kl 17.00 – 19.00
Sted: Finnøy kyrkjekontor
Møteleiar: Ragnhild
Refernt: Ingvild

Desse deltok: Ragnhild Valand, Grethe Hiim, Else Jorunn Løland, Anne Elisabeth Hapnes Hindal, Solfrid Sevheim Haga og Ingvild A Moen. Meldt forfall: Anne Margrethe Bjerga.

Opningsord- veksellesing Keltisk tidebønn v/Ingvild

1. Oppmerksomhetsrunde. Fleire har opplevd sorg i nærmiljøet den siste tida.
2. Sorggrupper. Anne Elisabeth og Ingvild delte erfaringar som nye ko-rettleiarar i sorggrupper, i hhv gruppe for rus og sjølmord og vaksne som har mista vaksne barn. Stavanger og Sandnes samarbeider om grupper, Anne Elisabeth er med i Sandnes og Ingvild er med i Tjensvoll. Det er to leiarar i kvar gruppe. Gruppemedlemmene deler og støttar kvarandre, ein annleis måte å leie ei gruppe på. Følger tema frå Metodisk veileder sorggrupper for vaksne (Akershus universitetssjukehus). Meiningsfullt arbeid, mange sterke historier. Debriefing viktig.
Til minnegudstenestene lokalt vil pårørande få invitasjon til gudsteneste, der namnet til den dei har mista, blir lest opp og det blir tent lys. Det blir lagt ved invitasjon til sorggrupper med oppstart november og mai og invitasjon til temakveld om sorg 23.10.24 kl.19 i Varden kirke: "NÅR NOEN DØR - Livet og hverdagen etter dødsfall" ved Maria Lorentzen-Spydevold, sykehusprest, Sykehuset Østfold.

3. Lokalt sorgstøttearbeid. Oppfølging av pårørnde. Bakgrunn: sokna har i lang tid ønska å enno betre følge opp pårørnde som har mista nokon. Anne Elisabeth og Ingvild starta denne tenesta i vår og fordeler oppfølginga mellom seg. Ringer ei stund etter dødsfallet, presenterer tenesta og tilbyr samtale. Mange samtalar på telefon, nokre ønsker samtale/besøk, andre takkar nei, har venner og nettverk og er i varetatt. Gjer kjent at kyrkja er ein som vil bry seg og har kompetanse i møte med sorg. Nokre gonger er begge to med i samtale, andre gonger går vi åleine, vurderer behov.
4. Besøksteneste for jubilarar i alle sokn. Grete, Else Jorunn og Ingvild delte erfaringar. Ved 80, 85, 90, 95 og 100 år blir jubilaranten oppringt og får spm. om vedkomande er interessert i besøk frå soknet, har med blome, bok eller bordkalender. Kjekke besøk, går to og to saman, låg terskel for å komme saman. Har vore lett å rekruttere frivillige til tenesta. Det er ressursgrupper for alle øyane: Talgje/Finnøy blir leia av Brenda, Halsnøy, Ombo og Sjernarøy leia av Ingvild og Fogn leia av Heidi.
5. Inkluderingsarbeidet. Språkcafe på Fogn og Finnøy, Else Jorunn, Ragnhild og Ingvild delte erfaringar. Snakke med brukarane, kva ønsker dei, korleis blir tilbodet forstått, kva treng dei, kan barna bli med? Ragnhild har søkt og fått midler som kan brukast til å kjøpe inn spel td. Innspel frå ei av dei som tek del i Språkkafeen på Fogn har lært oss at vi kan invitere til å ta med små barn når det gjer det mogleg for foreldre å vere med. Kyrkjekjellaren på Fogn har leikerom som egner seg. Ansvar/tilsyn med borna kan gå på omgang mellom foreldra som har med born. Kort presentasjonsrundeni innleiinga, gjerne bruke små grupper der alle kan kome til ordet, gjerne avislesing, oppgåver eller brettspel. Må ha nok norsktalande til å dele i grupper. God leiing og struktur gjer at dei som kjem opplever å lære noko. Ansvaret for å ha med noko å bite i går på omgang mellom dei som kjem. På Joker Fogn kan ein kjøpe inn ingrediensar eller det ein vil servere, og notere det på Frivilligsentralen." Tenke korleis ein kan organisere kvelden på best mogleg måte, at flest får stilt sine behov, sosialt, mat, snakke norsk, lære meir språk og kultur. Også norsk kurs på Finnøy og Fogn i haust, ein del går der. På Fogn informere både på Fogn.org og på kjøp og bytte sida på Facebook.

6. Verdsdagen for psykisk helse, temakveld på Finnøy skule torsdag 3.okt. 18.15, arr.: frivillighet, Finnøy helselag og kyrkja.
7. Diakonimedarbeidaren sitt hjørne, refleksjon rundt studier, diakoni som ein dimensjon i kyrkja. Jesus sa, dere er mine venner.

Eventuelt:

Onsdag 18.09 kl. 14.30, Ettermiddagstreff i hallen, tema: frivillighet, arr.: pensjonistlaget og kyrkja.

Onsdag 16.10 kl.18.15, 10 års jubileum for frivilligsentralen på Finnøy skule, kåring av Finnøy ildsjel, alle kan nominere kandidat i forkant. Gro Skartveit blir med.

Laurdag 26.10 klesbyttedag og rep.cafè på Finnøy skule, arr.: frivilligheten.

Tysdag 12.11 kl.19.00, Temacafè innbyggertorget lokal krigshistorie arr Finnøy helselag, frivilligheten og kyrkja.

Litteratur tips om sorg: «Kjærlighetsarr» av Jostein Ørum. «Snu deg» av Therese Tungen. Salme 878 i norsk salmebo «Så stille vi går» Ein salme for foreldre som har mista eit barn. Eyvind Skeie har samarbeida med komponisten Galib Mammadov fra Aserbajdjan.

Neste møte onsdag 27.11 17-19.

Velkommen til 900-års feiring av Stavanger og familiefest på fjorden!

I anledning av at Stavanger by, domkirken og bispedømmet fyller 900 år i 2025, ønsker Regionalt pilegrimssenter Avaldsnes å invitere til å delta i et samarbeid om felles båtturer og andre jubileumsaktiviteter.

En liten smakebit av programmet:

- **15. august 2025:** Samling og avgang fra ulike steder på Haugalandet med småbåter, seilbåter, veteranbåter og galeasen *Gurine*. Overnatting ved kai på Utstein.
- **16. august 2025:** Avgang mot Stavanger, ankomst i sentrum på formiddag. Familiedag med ulike aktiviteter. Jubileumsgudstjeneste i Stavanger domkirke

Praktisk informasjon:

- Hvis dere ikke ønsker å reise i egen båt er det mulig å bli med på seiltur fra Haugesund til Stavanger. Galeasen *Gurine* fra Rosendal er bestilt.
- Utstein Pilegrimsgard på Mosterøy tilbyr middag og overnatting
- Vi planlegger aktiviteter i sentrum av Stavanger, med base ved Stavanger Katedralskole. Program med bl.a. bålpanne, grilling, hånd-mat, naturkunst, korsang, m.m.
- En gruppe fra Jæren planlegger pilegrimsvandring fra Egersund til Stavanger. Her kan dere bli med fra det stedet som passer og ende opp samlet i Stavanger.
- Det blir kanskje også mulighet for en felles båttur fra Ryfylke. Fremdeles i tidlig planleggingsfase

Vi håper vår foreløpige henvendelse kan drøftes hos dere, slik at vi sammen kan skape en god markering av dette historiske jubileet.

I deres menighet kan dere for eksempel snakke om:

- Har vi lyst til å invitere pilegrimskoordinator for å få mer informasjon om hvilke muligheter som finnes?
- Har vi lyst til å reise med egen fritidsbåt i en armada fra Haugalandet til Stavanger? Valgfritt startsted, samlet ankomst.
- Har vi lyst til å bli med på pilegrimsvandring på vei fra Egersund til Stavanger? Valgfritt startsted, samlet ankomst.
- Har vi lyst til å reise over Boknafjorden i galeasen *Gurine* fra 1875? Det er mulig å melde seg på som enkeltperson eller gruppe.
- Har vi som menighet lyst til å bidra med aktiviteter ved Kongsgård katedralskole lørdag 16. august?

Ser frem til samarbeid!

Skoleskipet Gann, Stavanger Bispedømme, Utstein pilegrimsgard og Regionalt pilegrimssenter Avaldsnes arrangerer også cruise til Trondheim i forbindelse med 900-års jubileet i Stavanger og Olavsfest i Trondheim i 2025. Reisetid er 25.7.-2.8.2025.

Ta gjerne kontakt med Gann for mer informasjon.

[Cruise med skoleskipet Gann](#)



Karmøy
kommune

Med vennlig hilsen
Wenche Lindtner
Pilegrimskoordinator
E-Mail: wli@karmoy.kommune.no
Telefon: 982 42 083
Rådhuset, postboks 167, 4291 Kopervik | karmoy.kommune.no





DEN NORSKE KIRKE

Kirkerådet

Alle menighetsråd og kirkelige fellesråd

Dato: 08.10.2024

Vår ref: 24/02440-1 aa333

Deres ref:

Høringer fra Kirkerådet høsten 2024

Kirkerådet sender dette brevet til alle menighetsråd og kirkelige fellesråd for å informere om saker som Kirkerådet sender på høring høsten 2024. Sakene sendes på høring i uke 41, slik at Kirkerådet etter planen kan forberede dem til behandling på Kirkemøtet 2025, som arrangeres i Trondheim 23.–28. april.

Kirkerådet vet at menighetsråd og kirkelige fellesråd kan oppleve høringer som en ekstra arbeidsbelastning. Det ønsker vi å unngå – samtidig som vi gjerne også vil understreke at tilbakemeldinger fra rådene er viktige for å kunne foreta de beste beslutningene. Høringene inneholder forslag som kan berøre ulike deler av kirken. Da er det avgjørende at instanser som blir berørt, kan bli hørt og si sin mening. Kirkerådet er derfor svært takknemlige for at rådene tar seg tid til å gi uttalelser.

For å forenkle arbeidsprosessene for rådene har Kirkerådet endret litt på rutineene. I høst vil flere av høringene sendes til et *utvalg* menighetsråd og kirkelige fellesråd, i stedet for at de sendes til *alle* menighetsråd og kirkelige fellesråd. Rådene som er valgt ut, kan likevel velge å ikke svare.

Rådene er valgt ut på en måte som sikrer at bispedømmene er blitt representert tilnærmet likt, med noe variasjon pga. forskjellig antall kirkelige fellesråd og menighetsråd i bispedømmene. Det har blitt tatt hensyn til geografi, medlemstall og befolkningstall.

Dersom ditt råd ikke har mottatt en høring, men likevel ønsker å avgi en uttalelse, er det selvfølgelig mulig. Da benyttes lenkene til høringsdokumentene som dere finner nederst i dette brevet.

Oversikten under viser hvilke høringer som blir sendt ut til de utvalgte menighetsrådene og kirkelige fellesrådene. Her er også lenker til de aktuelle dokumentene.

- [Høring – rammer for kirkevalget](#)
- [Høring – biskopens tilsyn](#)
- [Høring – regulering av styringstenesta i Den norske kyrkja i kyrkjeordninga og av tilhøvet mellom prestetenesta og verksemda til soknerådet mv.](#)
- [Høring – fellesordninger innen digitalisering, personvern og informasjonssikkerhet](#)
(denne sendes til alle kirkelige fellesråd og menighetsråd med fellesrådsfunksjoner).

Høringsnotatene legges ut på nettsidene det er lenket til, i løpet av uke 41.

Postadresse:
Postboks 799 Sentrum
0106 OSLO

E-post: post.kirkeradet@kirken.no
Web:
Org.nr.: 818 066 872

Telefon: +47 23081200
Telefaks:

Saksbehandler
Andreas Henriksen Aarflot

Alle sakene har høringsfrist **fredag 6. desember 2024**.

Med vennlig hilsen

Ole Edvard Wold-Reitan
direktør

Ingeborg Dybvig
avdelingsdirektør

Dokumentet er elektronisk godkjent og har derfor ingen signatur.

Mottakere:
Alle menighetsråd og kirkelige fellesråd

Møte i Trusopplæringsutvalet 17. september 2024

Til stades: Turid Angelskår Lauvsnes, Brit Idsøe, Marianne Mjølhus, Ingrid Eiane Setvik og Reidun Aabrekk Bråtveit.

1. Oppdatering sidan sist

Trusopplærar er i gong med rapporteringa for dette året, og refererte kort til nokre av tiltaka. Prosentandelen vår er misvisande, i og med at me til nokre av tiltaka også inviterer dei som ikkje er medlem. Me ynskjer å inkludere alle, og alle elevar ved Finnøy skule og oppvekstsentra blir inviterte til tiltaka våre. Kontaktinformasjon og oppmoding til aktiv avmelding dersom nokon ikkje ynskjer invitasjon, følgjer i kvart brev me sender ut. Svært få gir tilbakemelding om at dei ikkje ynskjer invitasjon frå oss.

Det er varierende oppmøte på tiltaka våre, avhengig av tiltak og kull. Utfordringa synast kvart år å vere påmelding frå Sjernarøy og Talgje sokn til fellestiltaka våre, t.d. Tårnagent og pinsevandring. Me forstår at det kan vere utfordrande å reise til ei anna øy dersom ein er åleine eller dersom ein ikkje har reisefølge. Me prøver å kontakte foreldre i forkant som me trur kan ha interesse av å vere med, men det lukkast oss ikkje alltid. Då er det fint at me inviterer alle t.o.m. 4. trinn til hausttakkefestane i alle kyrkjelydane utanom Hesby. Her er det godt oppmøte. Trusopplærar har i haust samarbeida med Barnelaget på Sjernarøy, Barneglede på Ombo, Hobby og Tru på Fogn og Jente- og Guttelaget på Halsnøy og hatt andakt og informert om hausttakkefesten når desse har hatt samling. Me ser at allereie eksisterande tiltak drivne av frivillige på øyane, og samarbeid med desse, fører til god oppslutnad. Dette ynskjer me å fortsetje med, dersom dei ulike laga vil fortsetje samarbeidet.

Babysang, Open Hall og konfirmantarbeidet går sin gang også i haust, og elles gjenstår Lys Vaken første helga i advent. Nytt av semesteret er Småbarnstrall for større babyar og småborn. Me har inga aldersgrense, og overgangen frå Babysang til Småbarnstrall er glidande. Me har likevel sett ei rettleiande aldersgrense ved 7-9 mnd, når barnet byrjar bli meir aktivt. I pausen mellom Babysang og Småbarnstrall kan foreldra møtast for kaffi og drøs medan borna leikar på teppe på golvet. På dei to samlingane i haust, har det vore desidert flest på Småbarnstrall.

Når det gjeld kyrkje-skulesamarbeidet, ynskjer me å få til eit møte med skule og oppvekstsenter der me snakkar om kva me som Kyrkje kan tilby: Skulegudstenester og -besøk, besøk i barnehagar, jule- og påskevandring, Bibelsporet og Nabokafé.

Diakonmedarbeidar Ingvild tok i vår initiativ til Nabokafé der 10. trinn kunne kome til kyrkjekontoret i matfriminuttet og få gratis vaflar og ein prat med staben ved kontoret. Trusopplærar gjennomførte i vår kurset Bibelsporet med 5. trinn. Dette ynskjer me å kunne tilby 5. trinn ved Finnøy skule kvart år, og å få til ei rullering med tredje kvart år på oppvekstsentra.

2. Revidering av trusopplæringsplanen

Tiltaket Bibel og Ball har dei siste åra ikkje vore gjennomført. Bibel og Ball vart i si tid starta opp av Terje. Målet med tiltaket var å gi eit ekstra tilbod til borna i Sjernarøy sokn sidan dei har få kontinuerlege tiltak. Bibel og Ball vart arrangert tre gongar per semester i ei tid då borna på Ombo og Sjernarøy hadde få tilbod om lokal idrett. Me ser at tidene og tilboda har endra seg og at “det lokale” no gjeld eit større geografisk område enn før. Nokre reiser t.d. til Finnøy på turn og fotball. Ingvild har kontakta Sjernarøy Oppvekstsenter for evt å få til å starte opp igjen med tiltaket, men ulik lengde i skuledagane for ulike trinn, gjorde at dette vart vanskeleg. Trusopplærar foreslo å fjerne dette tiltaket frå planen vår, utan at me per dags dato har eit erstattande tiltak. Trusopplæringsutvalet gjorde vedtak om å ta Bibel og Ball ut av planen. Marianne ytra ynskje om fleire familiegudstenester i Sjernarøy kyrkje, då dette er tiltak som trekk folk.

3. Fast gjevarteneste

Grunna religionsmangfald og ulike trussamfunn, går ikkje medlemstala i kyrkjelydane våre opp, og me får såleis ikkje auka støtte frå Staten samanlikna med tidlegare år. I fjor mangla me 40 000,- i budsjettet, og økonomien er ikkje betre i år. Staben ved kyrjekontoret har laga ein brosjyre med bilete og informasjon om fast gjevarteneste. På hausttakkefestane i alle kyrkjelydane har det blitt informert om trusopplærings-arbeidet og gjevartenesta. På Fogn og i Hesby har powerpoint-presentasjon med bilete frå ulike tiltak blitt vist i håp om auka interesse for gjevartenesta.

4. Utdelingsmateriell

Reidun viste ulike bøker som har blitt gitt i år.

“Hva ville Jesus ha gjort”, “Barnebibelen min” og ei andaktsbok av Jarle Waldemar er tips til god litteratur til utdeling. Ein idè kan vere å slå saman to årskull og gi ei litt dyrare bok framfor to billege, dersom kvaliteten på denne eine boka er betre.

Neste møte blir 13. januar kl 19.